

Dr Herbst it unner Dach un Fach,
as ganza Dörfla recht drnach.
Di ärschta Süasing it vobei,
racht stad muast etz in Kaller nei.

Horch! Höarscht as gluckern doa in Fooß?
Bein Bramser it dr Teufel loos.
In Fassla drinn doa hat's ke G'foahr:
Si muaß halt gär, dia junga Woar.

Wos Drack un trüab it, muaß si setz!
Nach Joahr a Toog - wärscht sah'n - doa stäht's
na dufti, voller Sunnaschei'
voat dr, dei Glasla Frankewei!

Wos woahr un kloar wär söll braucht Zeit,
as it bein Moust wia bei dr Leut!
Drümm, junga Woar, brams' - toub di aus!
I wäß scho, as werd sunst näx draus